

SECTION

4

TWER&BEA HO  
MMARA



# ADESUADEE: OKASA DWUMADIE

## Twɛ Twerẽbea Ho Mmara

### NNIANIMU

Saa ɔfa yi kasa fa Asante Twɛ twerẽbea ho mmara ho. Yebekyerekerẽ Asante Twɛ twerẽbea ho mmara a efa edin, adeyẽ, dinnsiananmu ne edin nkyerekerẽmu ho mu. Yebedi kan akyerekerẽ twerẽbea ho mmara a efa edin ho mu, na afei yede edinnsiananmu atoa so. Yeinom akyi no, yebekasa afa edin nkyerekerẽmu, adeyẽ ne ɔkyerefoɔ ho. Yei beboa wo ama woahunu ekwan a yefa so de edin, dinnsiananmu, edin nkyerekerẽmu, adeyẽ ne ɔkyerefoɔ di dwuma wɔ Asante Twɛ kasa mu. Yebetumi de saa twerẽbea ho mmara yi adi dwuma wɔ Borɔfo kasa mu nso.

#### Adesua yi beko awiee no, na wotumi:

1. Gyina edin ne dinnsiananmu ho mmara so twerẽ ɔkasamu ahodoɔ
2. Gyina edin nkyerekerẽmu ho mmara so twerẽ ɔkasamu ahodoɔ
3. Gyina adeyẽ ne ɔkyerefoɔ ho mmara so twerẽ ɔkasamu ahodoɔ

#### Adwempɔ Ahodoɔ

- Edin di dwuma se ɔyefoɔ, ɔyɛtia, ɔgyefoɔ, edin nkyerekerẽmu ne edin kasasin ti.
- Dinnsiananmu nso di dwuma se ɔyefoɔ ne ɔyɛtia wɔ ɔkasamu mu.
- Edin nkyerekerẽmu kyerekyere edin mu. Mpen pii no, etaa ba edin a erekyerekyere mu no akyi wɔ Asante Twɛ kasa mu.
- Adeyẽ kyerekyere dwumadie anaa tebea bi mu. Ghana kasa ahodoɔ no mu bebree nni ɔyefoɔ ne adeyẽ ho mmara so. Asante Twɛ kasa atwere mu no, yete edin ne adeyẽ ntam nanso se adeyẽ no toa dinnsiananmu a eredi dwuma se ɔyefoɔ so a, yetwere bom.
- ɔkyerefoɔ kyerekyere adeyẽ mu na etumi san kyerekyere ɔkyerefoɔ foforo mu.

# ADESUA YI MU NSENTITIRE

## Edin

Yekaa edin ho asem wɔ ɔfa a etwaa mu no mu. Yɛmaa edin ho nhwesoo enna yekykyee mu koo nakuo ahodoɔ no mu.

Nnwennweneho asemmisa: Wokae edin akuo ahodoɔ no? Twere edin akuo ahodoɔ no.

Edin ye ahyensodee a yede ma nnipa, mmeaee, mmoa ne nneema. Mpen pii no, yɛnya edin baako anaa deɛ eboro saa wɔ ɔkasamu bi mu. Edin tumi nya oyikyere ‘bi’, ‘no’ anaa ‘yi’ bata ne ho.

## Dinnsiananmu

Dinnsiananmu ye asemfua a yede si edin ananmu se ebia, me, wo, ɔno, yɛn, mo, wɔn ne deɛ ekeka ho. Wɔtumi di dwuma se edin kasasin.

Hye no nso: Ghana kasa ahodoɔ mu no, yenni dinniananmu a ekyere onipa bɔbea. Saa asem yi ye nokore wɔ Asante Twi kasa mu anaa? Wo ne wo yɔnko mpensempensem saa asem yi mu na momfa eho mmuaee nto mo kyerekyerefoɔ anim.

### Dwumadie

Hwe saa sini yi na wo ne wafefoo nkye adwene mfa edin dwumadie ho.

[function of nouns YouTube video - \(https://www.youtube.com/watch?v=rURutv7N\\_ns\)](https://www.youtube.com/watch?v=rURutv7N_ns)

Afei, momfa mo mmuaee no ntoto deɛ edidi soo yi ho:

## Edin Dwumadie Ahodoɔ

Edin di dwuma se oyefoo

1. Ekwan a yefa so de edin di dwuma wɔ ɔkasamu mu da nso wɔ Ghana kasa ahodoɔ no mu. ɔkasa ahodoɔ no nyinaa mu no, edin di dwuma se:
  - a. Oyefoo wɔ ɔkasamu mu

Ghana kasa ahodoɔ mu no, yetaa hunu edin wɔ ɔyefoɔ gyinabea wɔ ɔkasamu mu. Etaa ye asemfua a edi ɔkasamu kan wɔ Ghana kasa ahodoɔ a wɔn ɔkasamu di ɔyefoɔ-Adeye-ɔyɛtia kasamu nhyehyee so. Nhwesoo:

- i. **Akosua** koo asɔre.
- ii. **Nwoma** boɔ ye den.
- iii. **Nimdee** ye nkonimdie safoa.

Nhwesoo ahodoɔ a ewɔ soro ho mu no, yehunu edin **Akosua**, **Nwoma** ne **Nimdee** wɔ ɔyefoɔ gyinabea wɔ ɔkasamu ahodoɔ no mu.

- b. ɔyɛtia wɔ ɔkasamu mu (ɔyɛtia anaa ɔgyefoɔ)

Edin san tumi di dwuma se ɔyɛtia wɔ ɔkasamu mu. Ne dwumadie no tumi ye ɔyɛtia anaa ɔgyefoɔ. Nhwesoo:

- i. Yetoo **nwoma** maa Amma. (ɔyɛtia).
- ii. Yetoo nwoma maa **Amma**. (ɔgyefoɔ)
- iii. Mede twerɛdua maa **Anima**. (ɔgyefoɔ).
- iv. Barima Kyei too **duku** kyee Barbara. (ɔyɛtia)
- v. Ofosu de safoa maa **Dansoaa**. (ɔgyefoɔ)

- c. Edin nso di dwuma se nkyerɛkyeremu wɔ Asante Twi mu. Yei ye edin a ekyerɛkyere edin foforo bi mu. Nhwesoo:

- i. **Akomadan** ntoosi no bi nie.
- ii. **Nsawam** paanoo no asa.
- iii. Wotoo **Goaso** borodee nko ara.

- d. Edin kasasin ti: edin tumi san di dwuma se edin kasasin ti. Nhwesoo:

- i. **Twerɛdua** boɔ ye den.
- ii. **Edan** foforo no mu ye hye.
- iii. **Abɔfra** bi te efie ho.
- iv. **Dua** ketewa no abu.

Hye no nso: Ekwan a yefa so de dinnsiananmu di dwuma wɔ ɔkasamu mu da nso wɔ Ghana kasa ahodoɔ no mu

Ghana kasa ahodoɔ mu no, dinnsiananmu di dwuma se:

- a. ɔyefoɔ wɔ ɔkasamu mu. Nhwesoo:
  - i. **Mekoo** sukuu.

- ii. Da biara, **yɛhwɛ** sini.
  - iii. **Wɔsere** hahahahaa.
- b.** Dinnsiananmu tumi san di dwuma sɛ ɔyɛtia wɔ ɔkasamu mu (ɔyɛtia anaa ɔgyefoo). Hwɛ ɛho nhwɛsoɔ a ɛdidi soɔ yi:
- i. Akwasi hunuu **no**. (Ɔyɛtia).
  - ii. Amma de twerɛdua maa **wɔn**. (Ɔgyefoo)
  - iii. Anima maa **yɛn** mpaboa bi. (Ɔgyefoo)
  - iv. Ɔkyerɛkyerɛni no somaa **mo**. (Ɔyɛtia).
- c.** Bio, Ghana kasa ahodoɔ bi mu no, yetwere dinnsiananmu a ɛdi dwuma sɛ ɔyefoo no ne adeyɛ a etoa ne soɔ no bom sɛ asemfua baako (Sɛ ebia, Ga, Asante Twi).

### Dwumadie

1. Kyerɛkyerɛ edin mu na ma ɛho nhwɛsoɔ edu anaa deɛ ɛboro saa. Wo ne w'afefoo nkaɛɛ no nkyɛ wo mmuaɛɛ no.
2. Montena baanu baanu na montwerɛ edin dwumadie ahodoɔ no. Momfa ekuo baako nka mo deɛ no ho na mompensempensem dwumadie no mu.
3. Kyerɛkyerɛ dinnsiananmu mu na ma ɛho nhwɛsoɔ edu anaa deɛ ɛboro saa. Wo ne w'afefoo nkaɛɛ no nkyɛ wo mmuaɛɛ no.
  - a. Kenkan abasɛm a ɛwɔ fam ho no na momfa nhwehwɛ edin ne dinnsiananmu ahodoɔ a ɛwowom.
  - b. Fa edin a wohunuɛ no mu enum yɛ ɔkasamu mmɔho. Kae sɛ wo ne w'afefoo bekyɛ wo mmuaɛɛ no.
  - c. Fa dinnsiananmu a wohunuɛ no mu mmiensa yɛ ɔkasamu. Kae sɛ wo ne w'afefoo bekyɛ wo mmuaɛɛ no.

## Nkraman

Ewiase nnipa nyinaa nim sɛ, nkraman yɛ mmoa a yɛde wɔn gyegye yɛn ani. Wɔgu mu ahodoɔ esiane wɔn su, wɔn bɔbea ne wɔn ahosuo nti. Wɔyɛ mmoa bi a wɔwɔ nan ɛnan a wɔfiri mpataku abusuakuo a na wɔte nwuram. Bere a yɛn nananom hyɛɛ aseɛ yeneɛ mpataku yi de wɔn yɛɛ ha no, wɔn ani begyee nnipa ho ma wɔkaa wɔn ho bɛnee nnipa. Wɔyɛ mmoa bi a wɔwɔ nkatedɛɛ a wɔtumi de hunu nnipa

nneye bi te se ɔɔ, ɔtan ne ahunahuna na wɔda ho suban adi kyere onipa biara sɛdeɛ ne nneye tee pɛpɛpɛ.

Ne nyinaa mu no, nkraman ye mmoa bi a wɔte pampan pa ara. Wɔsan nso ye mmoa bi a wɔte wɔte dede ahodoɔ pa ara a ɛmfa ho se ɛwɔ fam anaa ɛsoro. Adeɛ a ɛma nkraman som bo pa ara ne se, yetumi tete wɔn ma wɔdi dwuma ahodoɔ. Yewɔ nkraman a wɔtumi kyere onifurani kwan da biara ɛna nkraman a wɔwɔ atenka sononko no nso tumi kyekyere nnipa a wɔn werɛ ahoɔ no werɛ. Wɔsan tumi de nkraman hwehwe gye afoforo nkwa na wɔtumi te pampan a mfidie mpo ntumi ntee. Nnɛpa ahodoɔ a nkraman tumi da no adi kyere nnipa yi nyinaa akyi no, wɔn nkwanua sua a wɔanyini ara beye mfee edu (10) kɔsi dunum (15). Wɔn som papa nti, nnipa gye nkraman yi tom se wɔka wɔn abusua ho wɔ ewiase afanan nyinaa.

### Dwumadie

1. Kyerɛkyerɛ dwuma a aɛmfua a yeasan aseɛ no mu biara redi wɔ ɔkasamu no mu. Fa wo mmuaɛɛ no toto w'afefoɔ deɛ ho.
  - a. **Adesuafoɔ** a wɔaben no tuu kwan nnora.
  - b. Mede **sika** manee Yaa wɔ Kyeraa.
  - c. ɔkyerɛkyerɛfoɔ no twerɛ **twerepono** mono no so.
  - d. **Wɔfirii** hɔ kɔɔ Navrongo.
  - e. ɔkwantuni no tɔɔ paanoɔ breɛ **no**.

## MMɔAKYIRE NSEMISA

1. Fa w'ankasa nsemfua kyerekyere edin a edi dwuma se nkyerekyeremu mu. Ma yei ho nhwesoo mmienu na wo ne w'afefoo nkye adwene wo ho.
2. Wo kyerekyereni de abasem a mfomsoo wowom bema wo. Kenkan abasem a wo kyerekyereni de bema wo no mu na fa hwehwe mfomsoo a ewowom no.
3. Kyerekyere dinnsiananmu dwumadie a eye dyetia ne ogyefoo no mu wo Asante Twi kasa mu. Fa toto okasa foforo bi a wonim anaa wobere se wobesua ho.
4. Ma edin a edi dwuma se edin kasasin ti ho nhwesoo enum wo okasamu mu wo Asante Twi mu. Wo ne wafefoo nkye adwene wo ho.
5. Montena baanu baanu na montwere okasamu ahodoɔ edu a edinnsiananmu a ewowo mu no eredi dwuma se dyefoo, na hwe se yetwere dinnsiananmu no ne adeye no bom anaase yete ntam. Fa toto Ghana kasa ahodoɔ no ho na wo ne wafefoo nkye adwene wo ho.

## EXTENDED READING

Fromkin, V. & Rodman, R. & Hyams, N. (2007) Introduction to Language. (Eighth edition) Thomson Wadsworth.

Click on the link below for a video on noun functions in English grammar.

[Noun Functions in English Grammar with Examples](#)



# ADESUA YI MU NSENTITIRE

Woadi kan asua edin nkyerɛkyerɛmu ho adeɛ pɛn. Montena akuakuo na momfa edin nkyerɛkyerɛmu a mode bekyerɛkyere deɛ ɛdidi soɔ yi biara mu nye ɔkasamu mmiensa mmiensa:

- a. Wo sukuu dan
- b. Wádamfo pa
- c. Wo sukuu mu
- d. Wábusua

‘*Edin nkyerɛkyerɛmu*’ yɛ asemfua a ɛkyerɛkyere edin mu. Yɛde yɛ edin nkyerɛkyerɛmu kyerɛkyere nnipa anaa biribi su anaase yɛde ntotoho wɔ nneɛma mmienu anaa deɛ ɛboro saa ntam.

- a. Kwadwo pɛ adan *dada*.
- b. Abarimaa no yɛ *teatea tenten*.
- c. Anima yɛ *tuntum sene* ne nuabarima no.

ɔkasamu (a) mu no, asemfua *dada* no rekyerɛkyere efie korɔ a ɔkasafɔɔ no pɛ. ɔkasamu (b) mu nso, nsemfua *teatea tenten* kyerekyere abarimaa no su. ɔkasamu (c) mu no, nsemfua *tuntum sene* de Anima ahosuo toto ne nuabarima no deɛ ho.

## Edin Nkyerɛkyerɛmu Dwumadie Ahodoɔ

Ɛkwan a yɛfa so de edin nkyerɛkyerɛmu di dwuma wɔ ɔkasamu mu da nso wɔ Ghana kasa ahodoɔ no mu.

Edin nkyerɛkyerɛmu dwumadie wɔ Asante Twi mu:

1. Ɛkyerɛkyere edin mu wɔ ɔkasamu mu. Nhwɛsoɔ:
  - a. Ɔpɔnkɔ *tuntum* no tu mmirika kyene apɔnkɔ nkaɛɛ no.
  - b. Mehunuu efie *kɛsɛɛ* bi.
2. Edin nkyerɛkyerɛmu no ba edin a ɛkyerɛkyere mu no akyi pɛɛ. Nhwɛsoɔ:
  - a. Efie *tuntum* no abu.
  - b. Ɔbaa *kɔkɔ* bi aba ha.

Woasan asua edin nkyerɛkyerɛmu ahodoɔ ho adeɛ wɔ adesua a atwam no mu. Ɛho nhwɛsoɔ no bi na ɛwɔ fam ho no:

Wode **oyikyerε nkyerεkyerεmu** reye okasamu ahodo:

- a. Kaa **yi** ye mono.
- b. Efiε **no** ye me papa dea.

Wode **ntotoho nkyerεkyerεmu** reye okasamu ahodo:

- a. Borodeε boε ye **den kyene** bankye.
- b. Wo sika no ye **bebrebe sene** ne deε no.

Wode **akontabudeε nkyerεkyerεmu** reye okasamu ahodo:

- a. Metε ankaa **nkron**.
- b. Nwoma **bebree** wε adaka no mu.

Wode **sukyerε nkyerεkyerεmu** reye okasamu ahodo:

- a. Kaa no ye **dada**.
- b. Aduane no ye **de**.

### Dwumadie 1

1. Hwe edin nkyerεkyerεmu edu a εwε fam hε no. Fa ye okasamu ahodo. Se wobεtumi a, bε mmōden fa ye okasamu mmōho anaa kuntann.
  - a. nwanwa
  - b. aniha
  - c. abufuo
  - d. tete
  - e. keεεε
  - f. papa
  - g. hyεnhyεn
  - h. Anika
  - i. dada
  - j. denden
2. Afei, wo ne wo yōnko nye mpensempensemu mfa okasamu ahodo no nhyehyεε ho. Edeεn na mohunu? Kae se mo ne adesuafoε nkaεε no bεkyε adwene afa mo mmuaεε no ho.

## Dwumadie 2

1. Twere edin nkyerekyeremu ho nhwesoo edu.
2. Fa nhwesoo no mu enum ye okasamu a edidi soo yi mu biara ho nhwesoo.
  - a. Okasamu tiawa
  - b. Okasamu mmoho
  - c. Okasamu kuntann
3. Gyina wo nhwesoo no so na pensempensem mmara a efa edin nkyerekyeremu ho wo Asante Twi mu no mu.

## MMOAKYIRE NSEMMISA

1. Kenkan Abasem yi na fa hwehwe edin nkyerekyeremu edu a ewom.

*Nnipa bebree na wɔahunu nsunsuansoɔ a yen nneyee renya wɔ yen atenaee so. Esee se, yema yen atenaee ho bammɔ ho hia yen pa ara sene biribiara. Nanso, nnipa kakra bi na wɔwɔ nimdee wɔ ekwan a yefa so bɔ yen atenaee ho ban ho. Enam emfa-me-ho su a ewɔ yen mu no so rema yen atenaee no resee da biara. Nhwesoɔ, nwura a yetoto gu basabasa, galamsee ne nnuabubuo basabasa ne dee ekeka ho. Se yeannyaee saa nneyee bɔne yi a, eberɛ bi beba a nkyirimma bedi amia wɔ yen nneyee bɔne no ho nsunsuansoɔ so. Eye me ne wo asedee se yebeye yen afamu dee de abɔ yen atenaee no ho ban. Eye yen asodie kesee se yede nhyehyee papa begu akwan mu de abɔ ɔdomankoma agyapadee a ɔde ama yen no ho ban. Yen nneyee bɔne no so nsunsuansoɔ wɔ yen atenaee soɔ no mu bi ne nsuyire, nnɔbaee a yentumi nnya no dodoɔ, ne dee ekeka ho.*

2. Fa edin nkyerekyeremu a woahunu no ye ɔkasamu kuntann ahodoɔ edu.

## EXTENDED READING

Adomako, K., Odoom, J. and Sackitey, M. (2023). *Akan kasa nhyehyeeɛ wɔ Asante Twi mu*. Adonai Publications Limited (Topic on verbs, nouns and adjectives)

Amegashie, S.K. (2004). *Evegbe ɛ̃ɔ̃ɔ̃*. Aflao: Victus Printing Services, Market Square

Fromkin, V. & Rodman, R. & Hyams, N. (2007). *Introduction to Language* (Eighth edition). Thomson Wadsworth. (topic on verbs, adverbs, nouns and adjectives)

Joshi, M. (2021). *Nouns in the English Language: Types and examples*. Manik Joshi. (Topic on nouns)

Thakur, D. (1998). *Linguistics simplified: Syntax*. Delhi: Bharati Bhawan. (open word class which are nouns adjectives, verbs and adverbs)

## ADESUA YI MU NSENTITIRE

Se wode adeye ne okyerεfoε reye okasamu wε Ghana kasa ahodoε mu no gyina mmara ahodoε so. Saa mmara ahodoε yi boa ma okasamu no mu da hε, na enam so ma okenkanfoε no nya emu nteaseε a efata. Se wode twerebea ho mmara di dwuma wε Ghana kasa ahodoε no mu a, εboa ma yetumi twere okasamu a emu da ho fann wε okasa a woressua no mu.

### Adeye

Ansa na yεbekε adeye ho mmara no soε no, ma yenkaakae yen ho mfa adeye asekyere ho. Hwe nhwesoε a εwε fam hε no. Nsemfua a wεayeye no tuntumm no nyinaa ye adeye.

1. Okuafoε no **do** nāsase no so afe biara.
2. Nkwadaa no **nante** kε sukuu Efiada biara.
3. Yε**hurihuri** anεpa biara de tenetene yen apε mu.

Adeye ye asemfua, nsemfua anaa okasasin a εkyere dwumadie a εrekε so anaa tebea a biribi wε mu. Adeye taa di nkasaeε anim wε okasamu mu. Ne tiaatwire mu no, adeye taa ye nkasaeε ti wε okasamu mu.

### Ekwan a yεfa so de adeye di dwuma wε okasamu mu

Ekwan a yεfa so de adeye di dwuma wε okasamu mu da nso wε Ghana kasa ahodoε no mu. Mmara no mu bi na εdidi soε yi:

1. Adeye kyere dwuma a εyεfoε bi redi wε okasamu mu. Nhwesoε:
  - a. Okraman no **po** wε ekwan no ano.  
Okasamu yi mu no, adeye **po** no kyere adeε a εyεfoε (okraman no) reye wε ekwan no ano.
  - b. Adesuafoε no **nante** kε sukuu anεpa biara.  
Okasamu yi mu no, adeye **nante** no kyere adeε a εyεfoε (adesuafoε no) ye no anεpa biara.
2. Adeye kyere su a εyεfoε no wom wε okasamu mu. Nhwesoε:
  - a. Anima **so** pa ara.  
Okasamu yi mu no, adeye **so** no kyere su anaa tebea a εyεfoε (Anima) wom.

3. Adeye tumi ye nkasaε ti wɔ ɔkasamu mu. Nhwesɔɔ:
- Kaa no **tu** mmirika dodo.  
Ɔkasamu yi mu no, adeye **tu** na εye nkasaε ‘tu mmirika dodo’ no ti.
  - Adesuafoɔ no **nante kɔ** sukuu anɔpa biara.  
Ɔkasamu yei mu nso no, adeye ‘nante kɔ’ na εye nkasaε ‘nante kɔ sukuu anɔpa biara’ no ti.
4. Asante Twi mu no, sε dinnsiananmu εredi dwuma sε ɔyεfoɔ na adeye toa so pεε a, yetwere bom sε asemfua baako. Sε ebia:
- Yɛdi** fufuo da biara.  
Ɔkasamu yei mu no, yetwere ɔyεfoɔ dinnsiananmu ‘**Yɛn**’ ne adeye ‘**di**’ bom sε asemfua baako ‘**Yɛdi**’.
  - Wɔtɔɔ** apɔnkɛ bi anadwo no.  
Ɔkasamu yei mu nso, yetwere ɔyεfoɔ dinnsiananmu ‘**Wɔn**’ ne adeye ‘**tɔ**’ bom sε asemfua baako ‘**Wɔtɔɔ**’.

### Dwumadie 1

Fa wánkasa nsemfua kyerekɛyεrε ádeyε’ mu. Ma adeyε ho nhwesɔɔ edu.

### Dwumadie 2

Fa wo nhwesɔɔ a εwɔ Dwumadie 1 no mu biara ye ɔkasamu a εdidi sɔɔ yi mu biara ho nhwesɔɔ enum enum.

- Ɔkasamu tiawa
- Ɔkasamu mmɔho
- Ɔkasamu kuntann

### Dwumadie 3

1. Hwε adeyε ahodoɔ edu a εwɔ fam hɔ no. Fa ne nyinaa mu biara ye ɔkasamu tiawa. Sε wobetumi a, fa ne nyinaa mu biara nso ye ɔkasamu mmɔho ne ɔkasamu kuntann.

- team
- soa

- c. dɔ
- d. hua
- e. beye
- f. watri
- g. sua
- h. kyiri
- i. te
- J. home**

Afei, wo ne wo yɔnko mpensempensem okasamu ahodoɔ a woatwere no nhyehyee. Wo mmuaeɛ no ne twerebea ho mmara a woasua no kɔ pɛ anaa? Wo ne wáfefoɔ nkye adwene mfa wo mmuaeɛ no ho.

#### Dwumadie 4

- a. Kyerɛkyerɛ adeyɛ ahodoɔ a woasua wɔ saa adesua yi mu no mu.
- b. Twere adeyɛ ahodoɔ a woasua no ho nhwesɔɔ enum enum na fa emu biara yɛ okasamu.

Montena akuakuo na monkyerɛkyerɛ ekwan a yɛfa so de adeyɛ yɛ okasamu no mu. Nhwesɔɔ:

- a. Bere a edinnsiananmu di dwuma sɛ ɔyɛfoɔ.
- b. Bere a edinnsiananmu di dwuma sɛ ɔyɛtia.

## ɔkyerɛfoɔ

Yɛasua mmara a ɛfa ekwan a yɛfa so de adeyɛ yɛ okasamu. Afei, momma yenhwe mmara a ɛfa ekwan a yɛfa so de ɔkyerɛfoɔ yɛ okasamu.

Wokae ɔkyerɛfoɔ?

ɔkyerɛfoɔ yɛ asemfua anaa ɔkyerɛfoɔ kasasin a ɛkyerkyerɛ adeyɛ mu anaa ɔkyerɛfoɔ foforo a ɛgyina ho ma beaɛ, ɛberɛ, anoɔden ne deɛ ekeka ho. ɔkyerɛ ho nhwesɔɔ na wɔde adi dwuma wɔ okasamu ahodoɔ a ɛdidi soɔ yi mu no:

1. Wɔbaa **ha**. (beaɛ kyerefoɔ)
2. Yaa ne Anima baa ha **anɔpa nnɔnson** (ɛberɛ kyerefoɔ)
3. Abaayewa no yɛɛ ɔpanin no **defedefe**. (anoɔden kyerefoɔ)



Ɔkyerefoɔ a ewoɔ ɔkasamu a ewo soro ho no mu nonom ne **ha**, **anɔpa nnɔnson** ne **defedefe**.

## Ɔkyerefoɔ Dwumadie

Ɛkwan a yefa so de ɔkyerefoɔ di dwuma wɔ ɔkasamu mu da nso wɔ Ghana kasa ahodoɔ no mu.

Mmara no mu bi na edidi soɔ yi:

1. Ɔkyerefoɔ tumi di dwuma se ɔkyerefoɔ kasasin ti.

Nhwesoɔ:

- a. Mmarima no kasa **dodo pa ara**.
- b. Agoro kɔɔ awiee **ntemso**.

Ɔkyerefoɔ **dodo** ne **ntemso** di dwuma se ɔkyerefoɔ kasasin, wɔ bere korɔ no ara mu no, edi dwuma se ɔkyerefoɔ kasasin no ti.

2. Ɛtumi nso kyerekyere ɔkyerefoɔ foforo mu.

Nhwesoɔ.

- a. Abɔfra no kasaa **ntemntem pa ara**.
- b. Ɔkraman no didi **dodo se**.

Ɔkasamu ahodoɔ a ewo soro ho no mu no, ɔkyerefoɔ **pa ara** kyerekyere ɔkyerefoɔ **ntemntem** mu, saa ara nso na ɔkyerefoɔ **se** nso kyerekyere ɔkyerefoɔ **dodo** mu.

### Dwumadie 1

- a. Monkyerekyere ɔkyerefoɔ mu wɔ mo kuo no mu na mo ne afoforo nkye mo mmuaeɛ no.
- b. Twere ɔkyerefoɔ ho nhwesoɔ edu wɔ Asante Twi mu.

### Dwumadie 2

Fa ɔkyerefoɔ ho nhwesoɔ a ewo (a) ho no mu biara ye ɔkasamu enum enum ma ɔkasamu ahodoɔ a edidi soɔ yi mu biara:

- a. Ɔkasamu tiawa
- b. Ɔkasamu mmɔho
- c. Ɔkasamu kuntann

### Dwumadie 3

1. Hwe okyerefoo ahodoɔ edu a ewo fam ho no. Fa emu biara ye okasamu. Se wobetumi a, bo mmɔden san fa ye okasamu mmɔho anaa okasamu kuntann.
  - a. Nyaa
  - b. Enne
  - c. Eha
  - d. Mprensa
  - e. Ntemntem
  - f. Okyena
  - g. Abonten
  - h. Pa ara
  - i. Dodo
  - i. Seesei

Afei, wo ne wo yonko mpensempensem okasamu ahodoɔ a woatwere no nhyehyee. Wo mmuaee no ne twerebea ho mmara a woasua no ko pe anaa? Wo ne wafefoo nkye adwene mfa wo mmuaee no ho.

## MMOAKYIRE NSEMMISA

1. Kenkan abasem a ewo fam ho no na fa hwehwe **adeye ne okyerefo** ahodoɔ a ewowom.

Bere a wowiee won adwuma no ntemsoɔ no, wotoo won bo ase hwehwee won adwuma no mu yie pa ara de hwee se biribiara deda ne kwan mu. Wode won adwuma no koma won kyerekyerani akokoɔduroso esiane se na wonim pefee se woye won afa mu de. Okyerkyerfo no too ne bo ase hwehwee won adwuma no mu yie, bo ne tiri nko mpen pii de kyere se adesuafo no aye adwuma no yie pa ara. Adesuafo no ani gyee mmoroso efiri se, wahunuu se wode won adwuma no ako awiee pa.

2. Fa adeye ne okyerfo a wohunuu no wo abasem no mu no na gyina nimdee a woanya fa adeye ne okyerfo ho no so fa ye okasamu ahodoɔ enum.

## EXTENDED READING

Owu-Ewie C. (2020). *Mfantse kasa ngyegyee na kasa mbra ho adzesua buukuu ma nsowdo skuul esuafo*. Shine Prints Company Limited.

Ago, S.A. (1992). *Agoo*. Ghana Publishing Company.

Amartey A.A. (1966). *Omanye aba*. Bureau of Ghana Languages.

## REFERENCES

Haspelmath, M. (2001). Word classes and parts of speech. *In International Encyclopedia of the Social and Behavioral Sciences* (pp16538-16545). Doi:10.1016/Bo-08-043076-7/02959-4

Lier, E. V. (2024). *The Oxford handbook of word classes (oxford handbook)*. Oxford University Press.

Miguel, J., M. G. (2015). *Transitivity and word classes*. <https://doi.org/10.1075/ivitra.9.13gar>

Prempeh, A. A. (2021). *Asante Twi Nyansapɔ*. Premesco Publications.

Simone, R. & Masini, F. (eds). (2014). *Word classes (Current issues in linguistic theory)*. John Benjamins Publishing Company.

# ACKNOWLEDGEMENTS



Ghana Education Service (GES)

